

## CRADOCK, Syr MATHEW neu MATHIAS (1468? - 1531), swyddog brenhinol yn Ne Cymru

**Enw:** Mathew Cradock

**Dyddiad geni:** 1468?

**Dyddiad marw:** 1531

**Priod:** Katherine Warbeck (née Gordon)

**Priod:** Alice Cradoc (née Mansel)

**Plentyn:** Margaret Herbert (née Cradock)

**Rhiant:** Jennet Horton

**Rhiant:** Richard ap Gwilim ap Evan ap Cradock Vreichfras

**Rhyw:** Gwryw

**Galwedigaeth:** swyddog brenhinol yn Ne Cymru

**Maes gweithgaredd:** Gwasanaethau Cyhoeddus a Chymdeithasol, Gweinyddiaeth Sifil; Teuluoedd Brenhinol a Bonheddig

**Awdur:** Griffith Milwyn Griffiths

Yr oedd yn un o ddisgynyddion [Einion ap Collwyn](#), ac yn fab i Richard ap Gwilim ap Evan ap Cradock Vreichfras a Jennet Horton o Gastell Cantelupeston (Candleston), ger Newton, Sir Forgannwg. Fel swyddog dywedir iddo fod yn feddiannol ar awdurdod mawr yn Ne Cymru. Disgrifir ef ar ei feddfaen fel dirprwy i [Charles, Iarll Worcester](#), ym Morgannwg, fel canghellor y cyfryw, ac fel ystiward G yr a Chilfai. Credir iddo fod yn ystiward G yr yn 1491 a 1497. Apwyntiwyd un Matthew Cradok yn gwnstabl cestyll Kayre Filli a Kenfike yn Ne Cymru 6 Mawrth 1485-6 (*Pat. Rolls*, 1 H. VII), ac, yng Ngorffennaf 1491, rhoddir comisiwn i un Matthew Cradok neu Cradoke ac eraill i gasglu tuag at ryfel y brenin yn erbyn Ffrainc yn arglwyddiaethau 'Cardif, Glamorgan, Morgannok, Gower, Ilande, Uske, Carlyon ' (*Pat. Rolls*, 6 H. VII). Nodir hefyd Matthew Craddock o Lundain neu Abertawe fel un a dderbyniodd bardwn am fethu ymddangos i ateb cyhuddiad o flaen ustusiaid y brenin, 6 Chwefror 1504-5 (*Pat. Rolls*, 20 H. VII). Canodd y bardd cyfoes [Iorwerth Fynglwyd](#) ddwy gerdd yn cyfeirio at Syr Mathew, un pan garcharwyd y bardd ganddo yn Abertawe, ac un yn dymuno cael ei gymodi ag ef ([Lewis a Jones](#), *Mynega*). Priododd (1), Alice, merch [Philip Mansel](#) o Gastell Oxwich, a (2), Katherine Gordon, gweddw Perkin Warbeck. Bu iddo ferch, Margaret, o'r wraig gyntaf. Priododd hi [Richard Herbert](#) o Ewyas, sir Henffordd, a hwy oedd rhieni [William Herbert](#) a wnaed yn [Iarll Penfro](#), 1551. Bu farw rhwng 14 Mehefin a 16 Awst 1531 a chladdwyd ef yn Abertawe.

### Awdur

Griffith Milwyn Griffiths

### Ffynonellau

J. M. Traherne, *Historical Notices of Sir Matthew Cradock, Knt., of Swansea, in the reigns of Henry VII. and VIII* (Llanymddyfri 1840)

*Cymru yn hanesyddol, parthedegol, a bywgraphyddol* (1875)

Josiah Thomas Jones, [Geiriadur Bywgraffyddol o Enwogion Cymru \(Aberdâr 1867-70\)](#)

*Geirlyfr Bywgraffiadol o Enwogion Cymru* (1870)

R. T. Williams, *Cymry Enwog Cyfnod y Tuduriaid, a'u dylanwad ar hanes eu hamserau. Eminent Welshmen of the Tudor Period, and their influence on the history of their times* (Bala 1915)

F. J. Harries, *The Welsh Elizabethans* (Pontypridd 1924)

*Archaeologia Cambrensis*, 1886, 342

ibid, 1894, 127

*Index of Wills proved in the Prerogative court of Canterbury, 1383-1558* (1893-1919), Index Library No. 10

*The Complete Peerage of England, Scotland, Ireland, Great Britain, and the United Kingdom* (1887–1898)

G. J. Williams, *Traddodiad Llennyddol Morgannwg* (1948)

### Dolenni Ychwanegol

Wikidata: [Q20732713](#)

**Dyddiad cyhoeddi:** 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

